

Тюркиедеки ичтимаий-сиясийфаалиети

1906 сенеси Истанбулгъа кете. Мында о, Мерджан орта мектебинде, сонъра къадылар азырлагъан мектепте бильгисини арттыра.

Тюркиеде окъугъан сенелери Номан Челебиджихан халкънынъ азатлыгъы огърунда миллий курешке атлана. Тюркиеде тасиль алгъан къырымтатар талебелерининъ «Къырым талебе джемиети» (1908), «Ватан джемиети» (1909) киби тешкиятларыны мейдангъа кетире ве оларгъа реислик япа. Бу сенелери Челебиджиханнынъ бильгиси арта, ёлбашчылыкъ истидады къавийлеше.

Истанбул университетини аля бааларнен битирген Номан Челебиджихан зеининде къавий шекилленген миллийгъаелер иле 1912 сенеси Къырымгъа къайта.